

**Uunga siunnersuut: Tasiilami efterskolimik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffisassaattut siunnersuut.**

*(Inatsisartunut ilaasortaq Mala Høy Kuko, Siumut)*

aamma

**Uunga siunnersuut: Tasiilami adventure efterskolimik pilersitsinissamik Naalakkersuisut peqquneqarnissaannik siunnersuut.**

*(Inatsisartunut Ilaasortaq Harald Bianco, Inuit Ataqatigiit)*

**Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap**

**Siunnersuutip aappassanneerpeqarnerani**

**ISUMALIUTISSIISUTAA**

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Doris Jakobsen Jensen, Siumut, Siulittaasoq

Inatsisartunut ilaasortaq Nivi Olsen, Demokraatit Siulittaasup tullia

Inatsisartunut ilaasortaq Adam Kristensen, Inuit Ataqatigiit, sinniisoq

Inatsisartunut ilaasortaq Dines Mikaelson, Siumut

Inatsisartunut ilaasortaq Mariia Simonsen, Inuit Ataqatigiit

UPA2022-mi 28. april 2022 siullermeernerup kingorna siunnersuut ataatsimiititaliap misissorpaa.

**1. Siunnersuutip imarisaa siunertaalu**

Tasiilami efterskoleqalernissaq pillugu siunnersuutigineqartut marluusut sammisaqarfigaat. Immikkoortoq 95-imi Tasiilami efterskolimik pilersitsinissaq siunertaralugu pilersaarummik Naalakkersuisut saqqummiusseqqullugit siunnersuuteqartup peqquai. Immikkoortoq 134-imi Naalakkersuisut Tasiilami adventure efterskolimik pilersitsinissamik Naalakkersuisut peqquneqassasut siunnersuutigaa. Siunnersuuteqartut naapertorlugit siunnersuutigineqartut siunertarivaat suliffinnik pilersitsineq tamassumalu kingunerisaanik Kalaallit Nunaata kangiani ineriartortitsilerluni, ilinniagaqassuseq qaffassarlugu kiisalu atuartut akornanni ilinniarusussusermik piunassuseqarnermillu pilersitsilluni.

## 2. Apeqqutit

Immikkoortumik suliaqarnermut atatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ataatsimiititaliamit apeqqutinut assigiinngitsunut akissuteqaqqullugu qinnuigineqarpoq. .Ataatsimiititaliap Naalakkersuisumut apeqqutaasa Naalakkersuisullu akissutaasa assilineqarneri isumaliutissiisummut uunga ilanngussatut kakkiupput.

## 3. Siunnersuutininik ataatsimiititaliap suliarinninnera

Tasiilami efterskolimik pilersitsinissaq pillugu inersuarmi oqallinnermi isummanik assigiinngitsunik saqqummiussisoqarpoq. Kalaallit Nunaata kangiani Tasiilamilu partiinit tamanit ineriartortitsisoqarusunnera qularutissaanngilaq. Illoqarfimmi efterskolimik pilersitsisoqassagaluarpas Tasiilamut ineriartornerup sumut ingerlanissaa oqallinnermi ilaatigut aamma sammiveqarpoq. Tamassumalu malitsigisaanik Islandimiunik paarlaasseqatigiinnikkut ilinniartoqarsinnaaneq oqallinnermiippoq soorlu aamma Tasiilami efterskoliliornerup Kalaallit Nunaata kangiani kulturip piujuaannarnissaa isumagisinnaassagaa.

Immikkoortoq 95-imut siunnersuuteqartup periusissamik pilersaarummi imarisassanik aalajangersimasunik tigussaasunik kissaateqanngitsoq kisiannili efterskolip atuutilereernerata kingorna sunniutissanik sammiveqartoq ataatsimiititaliap maluginiarpa.

Immikkoortoq 134-mut tunngatillugu "adventure efterskole" qanorpiq isumaqassanersoq ersarissumik nassuiarneqarsimangitsoq ataatsimiititaliap isumaqarpoq. Tasiilap eqqaani ukiup allanngoriartornera malillugu periarfippassuaqartoq siunnersuuteqartup naatsumik tunngavilersuutigisamini allaaseraa. Efterskolilli pilersinneqarnissaanut suut periarfissat tunngaviusinnaanersut sukumiinerusumik siunnersuuteqartup allaaserinngilai.

### 3.1. Kalaallit Nunaanni efterskolit

Kalaallit Nunaanni maanna marlunnik efterskoleqarpoq.

Maniitsumi Efterskoli atuartunut<sup>1</sup> 60-inut inissaqartitsisoqarpoq kiisalu Efterskole Villads Villadsen Qasigiannuaniittoq atuartunut 80-inut inissaqartitsisoqarluni. Efterskolinik ingerlatsinissamut ukiumut 25 mio. kr. inulaarlugit aningaasaliisoqartarpoq. Kalaallit Nunaanni efterskolini atuartunngussagaanni piunasaqaataavoq atuarfimmi ukiuni arfineq pingasunik naammassinnissimanissaq imaluunniit 14-ileereersimanissaq 18-nillu qaangerlugit ukioqalereersimanginnissaq<sup>2</sup>.

Efterskolini atuartitseriaaseq efterskolit pillugit inatsisaasup §1 imm. 5 aamma imm.6-imi,

---

<sup>1</sup> 2011-mi ilassutitut aningaasanik inatsimmi 40.10.06-mi atuarneqarsinnaavoq efterskoli 60-niit 80-inut atuartoqalernissaminut qinnuteqarsinnasoq. Aningaasaliineq tamanna Aningaasaqarneermut ataatsimiititaliamit akuerineqarpoq 30. juni 2011 (sulaq nr. 11-537). Aningaasaliissutip kingunerivaa efterskoli 2021 tikillugu 80-inik atuartoqarsinnaanermik periarfissaqarmat.

<sup>2</sup> Efterskolit pillugit Inatsisartut inatsisaat nr. 13, 5. december 2008-meersoq § 3

aalajangersarneqarpoq tassani allassimavoq atuartut atuartinneqartariaqarnerminnik pisussaaffigineqartut meeqqat atuarianni atuarunnaarnermi naliliinermut misilinneqarnermullu piareersaasunik atuartitsinermik neqeroorfigineqartassasut. Taakku saniatigut atuartinneqartariaqarnerminnik pisussaaffigineqartut sinnerlugit ukiullit assigisaanik atuartinneqarnissaminnik neqeroorfigineqarsinnaapput.

### **3.2. Naalakkersuisunit allannguutissat siunnersuut**

Siunnersuutip siullermeerneqarnerani Naalakkersuisut allannguutissat siunnersuummik saqqummiussaqarput ima oqaasertaqartumik:

**"Tasiilami ilinniarfinnik, tassunga ilanngullugu efterskolimik pilersitsinissamik Naalakkersuisut pilersaarusiomissamik peqquneqamissaannik Inatsisartut aalajangiiffigisassaattut siunnersuut. Suliaq Tasiilami suliffissaqartitsiniarneq pillugu suliniaqatigiit naalakkersuisoqarfinit arlaqartuneersut, Suliffeqamermut Naalakkersuisoqarfimmit akisussaaffigineqartut, suliaannut ilanngunneqassaaq."**

Tasiilami efterskoliliornissap unitsinneqarsinnaanera Naalakkersuisut allannguutissat siunnersuutaata kingunerissagaa ataatsimiititaliap maluginiarpaa. Illuatungaatigut allannguutissat siunnersuutip Tasiilami suliffissaqartitsiniarnermut suliat ingerlasut ilinniartitaanermut periusissamik pilersaarummik efterskolimik pilersitsisinnaanissamik ilanngussiviussasoq ataatsimiititaliap paasivaa. Aningaasatigut kinguneqassanngitsoq Naalakkersuisut naatsorsuutiginnikkaat ataatsimiititaliap maluginiarpaa.

Naalakkersuisoqarfiit akimorlugit suleqatigiissitamit Naalakkersuisuni aalajangiiffigisassat tunngavigisassaq piareersimassasoq Naalakkersuisup inersuarmi oqaaseqatigigaa ataatsimiititaliap maluginiarpaa.

Ilinniarfimmik pilersitsinissamik iliuusissamut pilersaarusiornissamut, tassani Tasiilami efterskoleqalernissaanik ilanngussaqaarluni, suliap tunngavigisaata tassani piffissalersuinissamik pilersaarut nalilersorneqaqqittariaqassasoq ataatsimiititaliap apequtaanut Naalakkersuisut akipput.

Iliuusissamik pilersaarutip sularineranik ulapputeqaatigineqassanngitsutut aaqqiissuteqarniarneq ataatsimiititaliap naammaginatutut isigaa.

### **3.3. Atuartussat tunngaviusussat Kalaallit Nunaannilu efterskolernermit siusinaartumik unitsitsisarnerit naammassinnittarnerillu**

Tasiilami efterskolimik pilersitsinissamut atatillugu atuartussat tunngavigisinnaasat naammannersut ataatsimiititaliap siunnersuummik suliaqarnerani apeqquusiisoqarpoq.

2010<sup>3</sup>-mi isumaliutisissiiussummi apeqqut assingusoq aamma misissorneqarpoq. Taamanili atuartutut tiguneqartut, atuartut siusinaarlutik unitsitsisut atuartullu naammassinnittut pillugit nalunaarusiortoqartalerpoq. Ukiunut atuarfusunut 2009/2010-2016/2017<sup>4</sup> september 2017-imi efterskolit pillugit kisitsisitigut paasissutissanik Naatsorsueqqissaartarfik saqqummersitsivoq.

**Takussutissiaq 1: Kalaallit Nunaanni Danmarkimilu efterskolini atuartut aallartittut, siusinaarlutik unittut naammassinnittullu pillugit nalunaarsuiffik**

|   |                                  | 16/17 | 17/18 | 18/19 | 19/20 | 20/21 | <i>Aalaakkaasumik<br/>kisitsit</i> |
|---|----------------------------------|-------|-------|-------|-------|-------|------------------------------------|
| <b>Efterskole<br/>Villads Villadsen</b> | Siusinaarlutik<br>atuarunnaartut | 40    | 32    | 16    | 47    | 14    | 39 %                               |
|   | Naammassinnittut                 | 48    | 45    | 61    | 28    | 45    | 61 %                               |
|   | Atualersut                       | 88    | 77    | 77    | 75    | 59    |                                    |
| <b>Maniitsumi<br/>Efterskoli</b>        | Siusinaarlutik<br>atuarunnaartut | 20    | 20    | 27    | 45    | 33    | 39 %                               |
|   | Naammassinnittut                 | 58    | 55    | 49    | 31    | 39    | 61 %                               |
|   | Atualersut                       | 78    | 75    | 76    | 76    | 72    |                                    |
| <b>Danskit<br/>efterskolii</b>          | Siusinaarlutik<br>atuarunnaartut | 46    | 47    | 45    | 119   | 81    | 27 %                               |
|   | Naammassinnittut                 | 225   | 252   | 245   | 162   | 110   | 73 %                               |
|   | Atualersut                       | 271   | 299   | 290   | 281   | 191   |                                    |

Tunngavigisaq: Naatsorsueqqissaartarfik

([https://bank.stat.gl/pxweb/kl/Greenland/Greenland\\_UD\\_UD45\\_UD4520\\_UD452010/UDXESG.px/?rxid=UDXESA23-05-2022%2013%3A23%3A55](https://bank.stat.gl/pxweb/kl/Greenland/Greenland_UD_UD45_UD4520_UD452010/UDXESG.px/?rxid=UDXESA23-05-2022%2013%3A23%3A55))

Ukiuni tallimani<sup>5</sup> kingullerni Kalaallit Nunaanni efterskolini atualersut akornanni aalaakkaasumik 39 %-ii siusinaarlutik atuarunnaartutut inissisimasut ataatsimiititaliap maluginiarpa. 2015/187 §37 malillugu apeqquteqaammut akissummi allassimavoq efterskolimut atuarnissaminnut itigartitaasut utaqqisuniittutut inissinneqarnissaminnut neqeroorfigineqartartut. Efterskolimi siusinaartumik atuarunnaartoqarpat atuartut utaqqisuniittut aallartinnissaminnut periarfissinneqassapput.

2015/187 §37 malillugu apeqquteqaammut Naalakkersuisut akissutaata takutippaa efterskolini atualernissamut pisariaqartitsinerup annertussusaa qanoq angitigisimasoq ataatsimiititaliaq isumaqarpoq.

Efterskolininngaanniit toqqaannartumik ataatsimiititaliap apeqqutaanut Naalakkersuisut

<sup>3</sup> UPA2010/40

<sup>4</sup> <https://stat.gl/publ/kl/UD/201705/pdf/2009-mit%202017-imut%20efterskolernerit.pdf>

<sup>5</sup> Kalaallit Nunaanni Naatsorsueqqissaartarfik

akissutissaminnut paassissutissanik pissarsisimapput.

Ukiumi atuarfiusuni 2017-2018<sup>6</sup>-imi Efterskole Villads Villadsen-ip 45-t 73-illu akornanni amerlassusilinnik atualertitaqarpoq.

Piffissami tassani Maniitsumi Efterskolimi 66-it 70-illu akornanni amerlassusilinnik ukiumi atuarfiusuni atualertitaqarpoq.

Naatsorsueqqissaartarfimmiit takusassiaq 1-imi paassissutissat qulaaniittunut assersuukkanni assigiinngissutsit arlallit ataatsimiititaliap maluginiarpai.

Ukioq atuarfiusoq naallugu Naatsorsueqqissaartarfimmi atuartussatut tigusaasimasutut nalunaarsukkat kisitsisit amerlassuserigaat ataatsimiititaliap paasivaa.

Atualertussatut tigusaasunik Naatsorsueqqissaartarfimmi kisitsisini pineqartut tassaasut ukioq atuarfiusoq naallugu atualertussatut tigusaasimasut ataatsimiititaliap paasivaa.

Naalackersuisut efterskolinit kisitsisit pissarsiarisimasaanni atualernerup aallartinnerani atuartut akuerineqarsimasut amerlassuserigaat ataatsimiititaliap paasivaa.

Siunnersuutip aappassaaneernerani Naalackersuisut qinnuigineqarput tamanna uppenarsaqqullugu imaluunniit ilumuunnginneraqqullugu.

Efterskole Villadsen ukiumi atuarfiusumi atuartunik 80-inik inissaqartitsisoq ataatsimiititaliap maluginiarpaa. 2017-ip 2021-illu akornanni efterskoli aalaakkaasumik atuartussanik akuerineqarsimasunik atuortoqartarsimasoq Maniitsumi Efterskoli pillugu ataatsimiititaliaq maluginiagaqarpoq. Maniitsumi Efterskoli 80-it tikillugit atuortoqarnissaminut 2021 tikillugu periarfissaqarsimasoq ataatsimiititaliap siusinnerusukkat isumaliutissiissummi qulaajareerpaa.(nalunaarut nr 1 takuuk)

Tamanna tunngavigalugu efterskolit marluusut akuerisinnaasaminnik amerlanerusunik qinnuteqartoqartarmata ataatsimiititaliap takuaa tamannalu tunngavigalugu inuusuttut akornanni efterskolernissamik pisariaqartitsineq neqeroorutigisinnaasamit anginerusoq nalilerlugu.

Efterskolini inissanik pisariaqartitsineruneq Tasiilami efterskoliliornissamut naammannersoq iliussissamik pilersaarusiornikkut qulaajarneqassasoq ataatsimiititaliaq isumaqarpoq.

### **3.4. Nunanit allanit atuartussanik akuersisarneq**

Tasiilami efterskolimi atualersinnaasutut nunani allaneersut atualersinnaanerit inersuarmi oqallinnermi periarfissatut oqaatigineqarpoq. Efterskolit pillugit inatsimmi § 1 naapertorlugu efterskolit imminut pigisutut oqartussaeneri ataatsimiititaliap oqaatigissavaa. Tamassumalu malitsigisaanik efterskolit ataasiakkaat kikkut atuartoriniarlugit nammineq aalajangersinnaavaat, tassanilu aamma atuartut nunanit allaneersut ilaatinneqarlutik. Tamanna aamma 2015/126 § 37 malillugu Naalackersuisut akissutaanni allassimavoq.

---

<sup>6</sup> Ilanngussaq 2

Nunanik allaneersunik atuartitsinermi ilinniartitsisunut annerusumik piumasaqaatinik pilersitsisinnaasoq, tassami ilinniartut allamiut kalaallisuumiit nutserunneqarnissartik pisariaqartilersinnaammassuk ataatsimiititaliap tikkuarusuppaa.

#### **4. Siunnersuutip aningaasatigut kingunerisassai**

Inatsisartut Suleriaasianni § 33 imm. 1-imi allassimavoq siunnersuutip piviusunnngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqassasut.

Siunnersuutip piviusunnngortinnissaanut aningaasatigut kingunerisassai allaaserineqassasut ataatsimiititaliap maluginiarppaa.

Tamatumunnga atatillugu siunnersuutip piviusunnngortinneqarnissaanut nalunaarusiap AC-mik ukiup affaanik sulisoqarnissaq 250.000 kr-nik aningaasatigut kinguneqassasoq ataatsimiititaliap maluginiarppaa.

Tasiilami efterskoliliornissaanut aningaasartuutaasussat naatsorsuutigineqarput atuarfimmum atorfeqartullu inissaannik sanaartorneq 173 mio. Kr-nik amerlassuseqassasut. Ukiumut ingerlatsinermut aningaasartuutissat 13,1 mio. kr-nut naatsorsuutigineqarpoq.

#### **5. Ataatsimiititaliap inassuteqaataa**

Ataatsimiititaliap isumaqartigiittup siunnersuut tulliuttumi saqqummiunneqartuq akuerineqartussatut inassutigaa:

**Tasiilami efterskolimik pilersitsinissaq siunertaralugu pilersaarummik UPA2023-imi Naalakkersuisut saqqummiuseqqullugit Inatsisartut aalajangiiffigisassaattut siunnersuut.**

Tamassumunnga ataatsimiititaliap ima oqaaseqaateqarpoq:

Ilinniartitaanermut Naalakkersuisoqarfiup oqartussaaffigisaani Tasiilami efterskoli pillugu pilersaarutit suliarineqartariaqartut ataatsimiititaliap isumaqarpoq. Tasiilami suliffeqarneq pillugu naalakkersuisoqarfiit killingi pitarlugit suliaqartut suliaat Sulisoqarneq pillugu Naalakkersuisoqarfimmi inissisimasuusup isumassarsiatut pitsaanngitsut taaneqarsinnaanngitsoq ataatsimiititaliap isumaqarpoq.

Tasiilami efterskoliliornissamut naalakkersuisoqarfik sammisamut ilisimasaqarnerpaap suliaqarnissaa ataatsimiititaliap kissaatigaa. Naalakkersuisut allannguutissatut siunnersuutaanni ilinniartitaanermi iliuuseqarniarnerit aamma efterskoli pillugu apeqqummut pisinnaasumut naalakkersuisoqarfiit killingini pitarlugit suleqatigiit suliaannut ilanngunneqarnissaat ataatsimiititaliap tikilluaqquaa.

29. maj 2022

UPA2022/95  
UPA2022/134

Ataatsimiititaliap isumaqatigiittup siunnersuut ataani pineqartoq itigartinneqassasoq inassutigaa:

**Tasiilami adventure efterskolemik pilersitsinissamik Naalakkersuisut peqquneqarnissaannik siunnersuut.**

Naalakkersuisut allannguutissatut siunnersuutaat itigartinneqassasoq ataatsimiititaliap isumaqatigiittup inassutigaa.


Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Doris Jakobsen Jensen  
Siulittaasoq



Nivi Olsen  
Siulittaasup tullia



Adam Kristensen



Dines Mikaelen



Mariia Simonsen





Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliamut

## Immikkoortut 95 aamma 134 pillugit § 37 naapertorlugu apeqqutinut akissutit.

12-05-2022  
Suliap normua. 2022 - 10474  
All. nr. 20032840

Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap maajip 9-ani imm. 95 aamma 134 pillugit apeqquteqarpoq, matumuunalu  
akineqassallutik.

Postboks 1029  
3900 Nuuk  
Oqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

**Apeqqut 1:** *Inersuarmi oqallinnerup nalaani pilersaarusiamik naammassineqarnissaminut qaninnerusumik julimi naatsorsuuteqarneq Naalakkersuisup oqaatigigaa ataatsimiititaliap maluginiarpa. Ilinniartitaanernik pilersitsinissamut iliuusissamik pilersaarut maanna aallartisarneqareersoq aamma taamaasinerani naammassineqareersimassasoq Naalakkersuisut naatsorsuutigaat? Akissuteqaammi itisiliisoqassasoq kissaataavoq. Akissut itisileqquneqarpoq.*

**Akissut:** Tasiilami suliassaqartitsiniarnermut ukkatarinninnissamik Naalakkersuisut aalajangigaat tunuliaqutaralugu 2021-mi naalakkersuisoqarfiit akimorlugit suleqatigiissitaliortoqarpoq Suliffeqarnermut Naalakkersuisoqarfik aqutsisuulluni. Suleqatigiit taakku suliassat unamminartut qulaajagassarimavaat aamma ilinniartitaanermi suliffissaqartitsiniarnermilu aaqqiissutissanik ujartuissallutik. Suleqatigiissitamit suliakkiissummi erseqqissarneqanngilaq iliuusissamik pilersaarusiame ilinniarfimmik, taassumalu ataani Tasiilami efterskolimik pilersitsisoqarniarneranik. Iliuusissamik pilersaarusiaq suliarineqarmat suliakkiunneqaaqqaartumit annertunerummat suli qulaajaanerit il.il. pisariaqarsinnaapput, taakkulu suliap naammassiniarneranut kinguaattoorutaasinnaallutik.

**Apeqqut 2:** *Naalakkersuisut allannguutissatut siunnersuutaat akuerineqassagaluarpat ilinniartitaanernik aallartitsinissanut Tasiilami efterskolimik pilersitsinissaq ilanngullugu iliuusissamik pilersaarutit naalakkersuisoqarfiit akimorlugit suliassoq qaqugu Naalakkersuisut saqqummiussinissartik naatsorsuutigaat?*

**Akissut:** Suleqatigiissitanut suliakkiissut nutarterneqarsinnaassaaq, matumanilu piffissaliussamut pilersaarut, kiisalu suliap naammassinissaanut nutaamik piffissaliisoqarsinnaassalluni. Tamanna suleqatigiissitat isumasioereernerannik aalajangerneqassaaq. Suliakkiissut nutartigaq kiisalu piffissaliussamut pilersaarut ataatsimiititaliamut nassiunneqassapput suleqatigiissitamit akuersisoqariapat.

**Apeqqut 3:** *Iliuusissatut pilersaarummi Tasiilami efterskoliliornissamut ilanngunneqartussani immikkuualuttut sorliit ilanngunneqassanersut Naalakkersuisut takorloorpaat?*

**Akissut:** Ilinniarfiit pillugit iliuusissatut pilersaarusernermut atatillugu, tassani ilaatinneqarluni Tasiilami efterskolimik pilersitsineq, efterskolimik pisariaqartitsineq pillugu misissueqqissaartoqassaaq, aningaasaqarnikkut kingunerisassat, efterskolinut sinneruttunut kingunerisassat kiisalu Tasiilami ilinniarnermut suliffissaqartitsiniarnermullu suliniutit sinnerinut kingunerisassat aamma misissoqqissaarneqassallutik.

**Apeqqut 4:** *Naalackersuisoqarfimmit ilinniartitaanermut nalinginnaasumik suliaqarfiunngitsumi suliamut aallartisarneqareersumut Tasiilami efterskolilior-nissamut pilersaarutit qanoq ilanngunneqarsinnaanerannik Naalackersuisut naatsorsuutigisaqarpat?*

**Akissut:** Ilinniartitaanermut, Kultureqarnermut Ilageeqarnermullu Naalackersuisoqarfik suleqatigiissitap sulineranut ilaavoq. Tassunga atatillugu naalackersuisoqarfiit qulakkeerumavaat ilinniarfiit pillugit iliuusissatut pilersaarummik suliaq suleqatigiissitap nalinginnaasumik suliaannut ilanngunneqarnissaa. Suliaq suliakkiissut malillugu ilinniarfinnik suliffissaqartitsiniarnermullu suliniutinik imalik. Iliuusissatut pilersaarut taamaalilluni aamma suleqatigiissitap suliaasaqarfianeereersunik tunngaveqassaaq.

**Apeqqut 5:** *Suleqatigiisitani marluusuni kikkut peqataappat?*

**Akissut:** Suleqatigiissitap tullinnguuttunit inuttaligaapput:

Kommuneqarfik Sermersooq

Naalackersuisut Siulittaasuata Naalackersuisoqarfia

Aningaasaqarnermut Naligiissitaanermullu Naalackersuisoqarfik

Ilinniartitaanermut, Kultureqarnermut, Timersornermut Ilageeqarnermullu

Naalackersuisoqarfik

Ineqarnermut Attaveqatigiinnermullu Naalackersuisoqarfik

Inuusutissarsiornermut Niuernermullu Naalackersuisoqarfik

Aalisarnermut Piniarnermullu Naalackersuisoqarfik

Meeqqanut, Inuusuttunut Ilaqutariinnullu Naalackersuisoqarfik

Isumaginninnermut Sulisoqarnermullu Naalackersuisoqarfik

**Apeqqut 6:** *Suleqatigiisitani peqataasut piginnaasaqassutsikkut qanoq tunuliaqutaqarpat?*

**Akissut:** Suleqatigiissitami ilaasortat inuusuttunut ilinniarnissamut suliffissaqartitsiniarnermullu tunngasunik ilisimasaat, pingaartumik Tasiilami pissutsinut ilisimasaat tunngavigalugit peqataapput. Ilisimasat sinniisuutitaqartut suliffiannit ilisimaneqareersut.

Inussiarnersumik inuulluaqqusillunga

  
Peter Olsen



## Immikkoortut 95 aamma 134 pillugit allakkatigut apeqquteqaatinut akissuteqaat

Ataatsimiititaliap Naalakkersuisut qinnuigai allakkatigut 21. maj 2021-meersunik immikkoortut 95 aamma 134 pillugit apeqqutinik akissuteqaateqaqqullugit. Matumuuna apeqqutinut akissuteqassaanga.

### 1. 2015-imiilli efterskolimut akuerineqarnissaminut qinnuteqartut qassiunerinik paasissutissanik tamakkiisunik ataatsimiititaliaq kissaateqarpoq.

#### Akissut:

UPA95-ip aamma 134-p siullermeerneqarneranni Maniitsumi Efterskolemut aamma Efterskole Villads Villadsenimut ukiuni atuarfiusuni kingullerni tallimani qinnuteqaatinut paasissutissat Ilinniartitaanermut Aqutsisoqarfiup paasiniarsimavai. Efterskolet imatut paasissutissiipput:

Efterskole Villads Villadsen:

| Ukioq atuarfiusoq | Qinnuteqartut amerlasusaat | Atuartussatut akuerititut |
|-------------------|----------------------------|---------------------------|
| 2017 – 2018       | 127                        | 45                        |
| 2018 – 2019       | 128                        | 61                        |
| 2019 – 2020       | 97                         | 73                        |
| 2020 – 2021       | 76                         | 59                        |
| 2021 – 2022       | 135                        | 69                        |

Maniitsumi Efterskoli:

| Ukioq atuarfiusoq | Qinnuteqartut amerlasusaat | Atuartussatut akuerititut |
|-------------------|----------------------------|---------------------------|
| 2017 – 2018       | 90                         | 70                        |
| 2018 – 2019       | 95                         | 70                        |
| 2019 – 2020       | 87                         | 70                        |
| 2020 – 2021       | 91                         | 70                        |
| 2021 – 2022       | 114                        | 66                        |

Piffissaritinneqartup iluani 2015-ip siornatigut paasissutissat pissarsiarineqarsinnaasimangillat.

23-05-2022  
Sagsnr. 2022 - 11625  
Akt nr. 20235283

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Efterskolenut tamanut atuartussatut akueritikkaluartut ilaasa isummatik allanngortit-tarsimavaat taamatullu efterskolemi atuartutut allartinngitsoortarlutik.

**2. Efterskolernissamut akueritinngitsut atuarunnaartoqarnerani utaqqisut inissinneqarnissaminnut neqeroorfigineqartartut § 37 naapertorlugu apeqquteqaammi 2015/187<sup>1</sup>-imut akissuteqaammi allassimavoq. Inissaqaraluartoq efterskolernermut ukiup ingerlanerani qanoq ilisimanerani kingusippallaartutut nalilerneqartarpa?**

**Akissut:**

Efterskolernissamut akueritinngitsut atuarunnaartoqarnerani utaqqisut novemberip naanera ilanngullugu atuartussatut akuerineqarsinnaasut efterskolet tamarmik oqaatigaat.

**3. Tasiilami efterskoliliortoqarnissaanut atugassanik nunanit allanit aningaasaliinissamut qinnuteqartoqarsinnaanera Naalakkersuisut periarfissaasutut isigaat?**

**Akissut:**

Tasiilami efterskoleliortoqarnissaanik piviusumik pilersaarummik suliaqartoqartoqassa-galuarpat aningaasaateqarfinnut qinnuteqarsinnaaneq aatsaat periarfissanngorsinnaas-sasoq Naalakkersuisut nalilerpaat.

Inussiarnersumik inuulluaqqusilluta

Med venlig hilsen

  
Peter Olsen

---

<sup>1</sup> [https://ina.gl/documents/para3637/2015/svar/187\\_Efterskole\\_agge\\_akissut.pdf](https://ina.gl/documents/para3637/2015/svar/187_Efterskole_agge_akissut.pdf)